



**CENTRAL HIDROELECTRICA
DE RENTERIA**

**C.H. RENTERIAREN KLAUSULA ADMINISTRATIBO
BEREZIEN ETA BALDINTZA TEKNIKOEN PLEGUA,
PROZEDURA IREKIAZ ESLEITZEARI BEGIRA, GILTZA
ESKUAN ERAKOA, 40 kW-eko EGUZKI INSTALAZIO
FOTOVOLTAIKO BAT HORNITU, JARRI, ABIARAZI
ETA MANTENTZEA KONTRATATZEKO**

**ESPEDIENTE ZENB.:
RENERIA/01/09**

PROZEDURA IREKIA

Errenterian, 2009ko irailaren 10ean
Rosa Madina Romero and.
C.H. Renteriaiko kontseilaria eta ahalduna



CENTRAL HIDROELECTRICA DE RENTERIA

KARATULA

ADJUDIKATZEKO ERA: Lehiaketa irekia.

ESPEDIENTE ZENB.: Renteria/01/09

A. KONTRATUAREN XEDEA

40 kW-eko eguzki-instalazio fotovoltaiko bat hornitu, jarri eta abiarazteko kontratua egitea, giltza eskuan erakoa, eta haren mantentze prebentiboa kontratatzea hiru urteko (3) eperako hiri mantentze eraikinaren estalkian, Errenteria udalerrian kokatua

B. ERAKUNDE KONTRATATZAILEA

Central Hidroeléctrica de Rentería, S.A., honako helbide hau duena: Bizkaia plaza eraikina. Urkixo zumarkalea, 36 – 1. solairua. 48011 Bilbo.

- Pertsona arduraduna, teknikaria: Iñaki Boveda
- Telefonoa/faxa/posta elektronikoa: 94-403.56.56 / 94-403.56.99 / iboveda@eve.es
- Kontratatzailearen eskakizuna edo profila: www.eve.es

C. JARRIKO DEN Wp BAKOITZAREN ETA URTEKO MANTENTZEAREN GEHIENENKO PREZIOA

- **Jarriko den Wp bakoitzaren gehieneko kostua** ez da lau (4) euro baino gehiago izango, gehi BEZari dagokion 0,64 euro. Beraz, guztira, lau euro eta hirurogeita lau zentimo izango da gehieneko prezioa, BEZa barne.
-
- Instalazio bakoitzaren **mantentze prebentiboa** hiru urteko eperako ez da seiehun euro (600) euro baino gehiago izango urtean, gehi BEZari dagokion 96 euro. Beraz, guztira, seiehun eta laurogeita hamasei (696) euro izango da gehieneko prezioa, BEZa barne.

Baldintza horiek betetzen ez dituzten eskaintza guztiak baztertu egingo dira.

D. IZAPIDEA

Ohiko izapidea

E. PROPOSAMENAK JASOTZEKO AZKEN EGUNA

Eskaintzak edo proposamenak 2009ko irailaren 24ko 14:00ak arte jasoko dira.

F. PROPOSAMENAK AURKEZTEKO LEKUA

Proposamenak C. H. Renteriaren izenean aurkeztuko dira, honako helbide honetan: Bizkaia plaza eraikina. Urkixo zumarkalea, 36 – 1. solairua. 48011 Bilbo.

G. BEHIN-BEHINEKO BERMEA

Ez dagokio.

H. BEHIN BETIKO BERMEA

Kontratuaren prezioaren ehuneko bosta (%5) izango den zenbatekoa (BEZa gabe).

I. PREZIOEN BERRIKUSPENA

Ez dagokio.

J. GAUZATZEKO LEKUA ETA EPEA

Lekua: Hiri mantentzerako eraikinaren estalkian, Errenteria udalerrian, Gipuzkoa, kokatua.

Epea: Zortzi (8) hilabete.



CENTRAL HIDROELECTRICA DE RENTERIA

K. GUTXIENeko BERMEAREN EPEA

Instalazio fotovoltaikorako ezartzen den gutxieneko bermearen epea hiru (3) urtekoa da.

L. PUBLIZITATEAREN GASTUAK

Ez dagokio.

M. ALDAGAIEN ONARPENA

Ez dagokio.

N. KAUDIMEN EKONOMIKOA, FINANTZARIOA ETA TEKNIKOA

Plegu honen 8.5 klausulan adierazten den dokumentazioa aurkeztu behar da.

O. ADJUDIKATZEKO IRIZPIDEAK

Esleipena erabakitzeke erabiliko diren irizpide orokorrak hauexek dira:

IRIZPIDE EBALUAGARRIEN ARABERAKO BALORAZIOA		
Irizpidea	Deskribapena	Puntuak
1	<u>INSTALAZIOAREN EZAUGARRI TEKNIKOAK</u> Memoria deskriptiboa eta lan-metodologia Lan-taldea Jartzen diren bitarteko materialak Proposamen onenak	20
2	<u>PLANIFIKAZIOA</u> Lanen planifikazioa eta lan horiek egiteko proposatzen den egutegiaren koherentzia	10
3	<u>BERMEA</u> Bermeari dagozkion epeak (instalazio osoa, alderanzgailuak eta moduluak) Bermeei lotutako estaldurak Bermean aurreikusten ez diren gastuak	20
FORMULEN APLIKAZIOEN ARABERAKO IRIZPIDE EBALUAGARRIAK		
Irizpidea	Deskribapena	Puntuak
4	<u>PREZIOA</u> Jarriko den Wp bakoitzaren prezioa	40
5	<u>MANTENTZEA</u> Urteko prezioa eta aurreikusten ez diren gastuak	10
GUZTIRA		100

Prezioari eta mantentzeari lotutako irizpideak balioesteko, honako formula honen arabera egingo da:

Jarriko den Wp bakoitzaren prezioa

Gehienez 40 puntu, 100 puntu artean

Jarriko de Wp bakoitzaren prezioari dagokionez, aurkeztuko diren eskaintza guztien batez bestekora gehien hurbilduko den eskaintzari, 20 puntu esleituko zaizkio.



CENTRAL HIDROELECTRICA DE RENTERIA

20 puntu lortuko duen eskaintzaren aldean, beheko ehuneko puntu bakoitzeko puntu bat gehituko da; guztira, gehienez, 40 punturaino.

20 puntu lortuko duen eskaintzaren aldean, gorako ehuneko puntu bakoitzeko puntu bat kenduko da; guztira, gutxienez, 0 punturaino.

Beheko edo gorako ehuneko puntuak esleitzeko, aterako diren kantitateak handiagora edo txikiagora biribilduko dira ehuneko puntu hurbilenera. Kantitatea ehuneko puntuaren erdia izango balitz, gorako ehuneko puntura biribilduko litzateke.

Mantentzea

Gehienez 10 puntu, 100 puntu artean

- Urteko prezioa (euro), instalazioaren berme aldian [Gehienez 4 puntu]

Urtean 300€ baino gutxiago	4 puntu
Urtean 301€ eta 400€ artean	3 puntu
Urtean 401€ eta 500€ artean	2 puntu
Urtean 501€ eta 600€ artean	1 puntu

- Urteko prezioa, instalazioaren berme alditik at (%) [Gehienez 2 puntu]

Prezioaren aldean, mantentzearen prezioa berme aldian %5 gehitzen bada	2 puntu
Prezioaren aldean, mantentzearen prezioa berme aldian %5 eta %10 artean gehitzen bada	1 puntu
Prezioaren aldean, mantentzearen prezioa berme aldian %10 baino gehiago gehitzen bada	0 puntu

- Lekualdaketarako gastuak (bai/ez) [Gehienez 2 puntu]

Barnean badaude	2 puntu
Barnean ez badaude	0 puntu

- Eskulanei dagozkien gastuak (bai/ez) [Gehienez 2 puntu]

Barnean badaude	2 puntu
Barnean ez badaude	0 puntu

P. ZIGORTZEA

Plegu honetan aurreikusten direnak.

Q. LUZAPENA

Ez dagokio.

R. LANAK ZATIKA JASOTZEA

Ez dagokio.



CENTRAL HIDROELECTRICA DE RENTERIA

S. PREZIOAREN ORDAINKETA

(i) Giltza eskuan erako instalazio fotovoltaikoa hornitu, jarri eta abiarazteko lanen ordainketak transferentzi bidez egingo dira, honako modu honetan:

- Kontratua sinatzean, lehen ordainketa egingo da, egitasmoaren guztizko prezioaren %25 izango dena.
- Ekipoak jasotzean eta instalazio guztien muntaketa fasea hastean, %30 ordainduko da.
- Instalazioaren muntaketa amaitzean, %30 ordainduko da.
- Gainerako %15a, instalazioa behin-behinean jasotzean. Gehienez ere, aldi horrek bi (2) hilabete iraungo du, muntaketa amaitzen den egunetik kontaktzen hasita, betiere, atzerapenak zerikusirik ez badu instalatzailearekin.

Zatikako ordainketa horietako bakoitza hogeita hamar (30) egun naturaleko epean egingo da, esleipendunak modu egokian C.H. RENTERIARI dagokion faktura ematen eta azken horrek onartzen duen egunetik kontaktzen hasita.

(ii) Mantentze prebentiboari dagozkion kantitateak urtean egingo diren hiru (3) ordainketen bidez kitatuko dira, adostutako mantentze lanak egin ondoren eta C.H. RENTERIAK txosten teknikoak eta faktura jaso eta gero.

Zatikako ordainketa horietako bakoitza hogeita hamar (30) egun naturaleko epean egingo da, esleipendunak modu egokian C.H. RENTERIARI dagokion faktura ematen eta azken horrek onartzen duen egunetik kontaktzen hasita.

T. HIZKUNTZA BALDINTZAK

Kontratu hau Euskal Autonomia Erkidegoko 6. artikuluan eta azaroaren 24ko 10/1982 Oinarrizko Legean (euskararen erabilera arautzekoa) eta hura garatzen duen araudian xedatutako hizkuntza ofizialtasun bikoitzaren mende dago.

Bi hizkuntza ofizialak erabiltzea kontratuaren gauzatze baldintzetako bat da. Hala, bada, betetzen ez bada, kontratu honetako edozein klausula ez betetzeagatik aurreikusi diren ondorioak aplikatuko dira; ez bada, gauzatu beharreko kontratuak berezko dituen ezaugarriek eskatu egiten dutela nahitaez beste hizkuntza bat edo batzuk modu eskusiboan erabiltzea. Dena den, neurri horrek kontratuaren baldintza orrian edo pleguan agertu beharko du.

OINARRIZKO BALDINTZAK



CENTRAL HIDROELECTRICA DE RENTERIA

1. ARAUBIDE JURIDIKOA

1.1. Kontratuaren araubide juridikoa:

- Oinarrizko Baldintzen Plegu honetan eta bere karatulan zehaztutakoa, baita Zehaztapen Teknikoen Txostenean jasotzen dena ere. Horrekin batera, CENTRAL HIDROELÉCTRICA DE RENTERIA (“**C.H. Renteria**”) onartutako Kontratatzeko Barne Jarraibideetan adierazitakoa (“**KABI**”) eta Kontratatzailaren Eskakizuna atalean argitaratua (www.eve.es) eta esleipendunarekin sinatuko den kontratuan jasoko diren baldintzekin eta itunekin bat etorriz.
- Sektore Publikoko Kontratuei buruzko urriaren 30eko 30/2007 Legearen arabera (“**SPKL**”). Plegu honen klausuletan adierazten diren gaiak dagokienez, soil-soilik.
- Urriaren 12ko 1098/2001 Errege Dekretuaren arabera, Administrazio Publikoen Kontratuen Legearen Araubide Orokorra onartzen duena (aurrerantzean “**HAKLEO**”), aurreko puntuan azaldutako gaiak dagokienez.
- Zuzenbide Pribatuaren arauak aplikagarriak izango dira kontratuaren interpretazio, ondorio, betetze eta amaierari doazkien gaiak ebazteko.

1.2. Lanak egiten arituko diren langileei dagokienez, enpresaburu kontratatzaileek bete beharko dituzte indarrean dagoen lan eta gizarte legeria.

1.3. Kontratuaren edozein alderditako ezjakintasunak edo bertan bildutako dokumentuak eta eranskinak edo itundutakoa gauzatzean zerikusia izan dezakeen Administrazioak xedatutako arau, plegu eta aginduen gaineko ezjakintasunak ez du kontratista edo enpresaburua salbuetsiko kontratua betetzeko obligaziotik.

2. KONTRATUAREN HELBURUA

Eguzki instalazio fotovoltaiko bat hornitu, jarri eta abiaraztea, giltza eskuan erakoa, eta haren mantentze prebentiboa hiru (3) urteko eperako kontratatzea, Plegu honen Karatularen “**A**” **ATALEAN** adierazia.

H Hori guztia baldintza teknikoaren arabera, Zehaztapen Teknikoen Txostenean adierazten dena. Plegu honetan jasoko dena, 1. eranskina, eta betetzeko eska daitezke. Beraz, aipatutako proiektua kontratuan sartuko da eta alde guztiek bete beharko dute.

3. JARRIKO DEN Wp BAKOITZAREN ETA MANTENTZEAREN GEHIENEN PREZIOA, AURREIKUSITAKO BALIOA ETA KONTRATUAREN PREZIOA



CENTRAL HIDROELECTRICA DE RENTERIA

a) Jarriko den Wp bakoitzaren prezioa Plegu honen karatulako **“C” ATALEAN** adierazitako zenbatekoa izango da.

Urteko mantentze prebentiboaren gehieneko prezioa, hiru (3) urteko aldirako, Plegu honen karatulako **“C” ATALEAN** adierazitako zenbatekoa izango da.

b) Aurreikusitako balioa kalkulatzeko, SPKLen 76. artikulua xedatutakoa kontuan hartu da, BEZa gabe.

c) Kontratuaren prezioa esleipenaren ondorioz aterako dena izango da, eta diru-sail independente gisa sartuko du BEZa.

Kontratuaren prezioan gainerako zergak, tasak eta era guztietako kanon aplikagarriak sartuta daudela ulertuko da, bai eta Plegu honetan bildutako betebeharrak betetzeak kontratistari ekarri ahal dizkion gastu guztiak ere (gastu orokorrak, finantzarioak, onurak, aseguruak, garraioa eta joan-etorriak, berarentzat lan egiten duen pertsonal teknikoaren ordainsariak, bisak, etab.).

d) Enpresa esleipendunak ordainduko ditu gainerako gastuak, kontratuan azaltzen diren lanak behar bezala egiteko, eta beraz, C.H. Renteriak ez ditu ordainduko, 1. eranskinean ageri den Zehaztapen Teknikoen Txostenaren arabera.

4. PREZIOEN BERRIKUSPENA

Karatularen **“I” ATALEAN** zehazten dena beteko da.

5. GAUZATZEKO EPEA

5.1. Gauzatzeko epea Plegu honen Karatularen **“J” ATALEAN** adierazitakoa izango da.

Ezarritako epeak betetzeko behar diren aldian aldiko epeak eskaintzan ezarriko dira edo C.H. Renteriak lan programan onartuko dituenak izango dira.

5.2. Zehaztapen Teknikoen Txostenean lanak egiteko epeak laburtzen edo jardueren ordenamendurako zatikako epeak ezarriz gero, ezinbestean bete beharko lirateke, horrela eskaintzen edo ezartzen badira, hurrenez hurren.

5.3. Karatularen **“Q” ATALEAN** hala aurreikusten baldin bada, kontratua amaitutakoan, alde guztien oniritziarekin, kontratua luza daiteke. Luzatzekotan, epea ez litzateke karatularen **“J” ATALEAN** aurreikusitakoa baino luzeagoa izango.

6. ADJUDIKATZEKO ERA



CENTRAL HIDROELECTRICA DE RENTERIA

C.H. Renteriak kontratatzen dituen barne-jarraibideak edo arauak aplikatuko zaizkio kontratu honi esleitzeko orduan.

Kontratua prozedura irekiaren bidez esleitu da, eta esleipena honako fase hauei jarraituz egingo da:

- (i) lehen fasean (“*Eskaintzen aurkezpena*”), interesatutako lizitatuzaileek dokumentazio orokorra (A gutun-azala) eskaintza ekonomikoak (B gutun-azala) eta teknikoak (C gutun-azala) aurkeztu ahal izango dituzte;
- (ii) bigarren fasean (“*Kontratatzen hautaketa*”) lizitatuzaileek aurkeztutako eskaintzen aztertu ondoren, C.H. Renteriak kontratua formalizatzeko lizitatuzailea hautatuko du; eta
- (iii) hirugarren fasean (“*Formalizazioa*”), C.H. Renteriak eta hautatutako lizitatuzaileak kontratua sinatuko dute.

6.2 C.H. Renteriak eta kontratatzen dituen men egingo diote informazioaren konfidentzialtasuna babesteko obligazioari, KABIren 6.(d) atalean ezarritako moduan.

6.3 Kontratazio-organoa “**B**” **ATALEAN** azaldutakoa izango da.

6.4 Kontratazio-organoari laguntzeko, kontratazio-mahaia edo organo baliokideren bat era daiteke, eta haxe arduratuko da parte-hartze eskaerak kalifikatu eta eskaintzak baloratzeaz.

7. PROPOSAMENAK AURKEZTEA

- 7.1 Proposamenak aurkezteko epea 2009ko irailaren 24ko 14:00ak arte izango da.
- 7.2 Proposamenak honako helbide honetara bidaliko dira: Bizkaia plaza eraikina, Urkixo zumarkalea, 36. 1. solairua. 48011 Bilbo.
- 7.3 Lizitatuzaileak postaz bidaltzen badu eskaintza, bidalketa posta-bulegoan zer egunetan egin zuen kreditatu beharko du, eta kontratazio-organoari jakinarazi beharko dio, egun bertan, eskaintza bidali duela. Ez badira bi baldintza horiek betetzen edo bidali izanaren jakinarazpena baldintza honetan adierazitako gehienezko epea igarota egiten bada, ez da eskaintza onartuko.
- 7.4 Espainiako nahiz atzerriko pertsona fisiko nahiz juridikoek aurkez ditzakete proposamenak, baldin eta jarduteko gaitasun osoa badute eta kaudimen ekonomikoa, finantzarioa eta teknikoa kreditatzen badute. Halaber, ezaugarri hori kredita dezakete zerbitzu-enpresatzat sailkatuta daudela egiaztatzen badute, Eusko Jaurlaritzak edo Estatuko administrazio-kontratu-entzako kontsulta-batzordeak emandako ebazpen bidez. Ildo horretatik, karatulako “**N**” **ATALA** bete behar dute proposamen-egileek.



CENTRAL HIDROELECTRICA DE RENTERIA

- 7.5 Kontratu jakin bat egiteko nahikoa kaudimen dutela kreditatzeko, beste entitate batzuen kaudimena eta bitartekoak balia ditzakete enpresariak, haiekin duten lotura juridikoaren izaera edozein dela ere. Dena den, beti frogatu beharko dute bitarteko horiek egiaz dituztela eskura, kontratua betetzeko.
- 7.6 Proposamenak aurkez ditzakete, halaber, enpresari-taldeek, aldi baterako elkarteak osatzen badituzte, Sektore Publikoko Kontratuen Legearen 48. artikulua araututako moduan. Enpresa-taldeko enpresariak beren jardute-gaitasuna eta kaudimen ekonomiko, finantzario, tekniko eta profesionala kreditatu behar dute agiri honetako baldintzek xedatu moduan, eta, horrez gain, agiri pribatu batean adierazi beharko dituzte beren izenak eta egoera profesionala, zer-nolako partaidetza duten elkarrean eta, kontratua indarrean den bitartean, zer pertsona edo entitatek ordezkatzeko dituen, ordezkapen-ahalmen osoz, C.H. Renteriaren aurrean. Enpresari horiek guztiek aldi-baterako enpresa-elkarte gisa eratzeko konpromisoa hartu beharko dute, HAKLEOko 24. artikulua xedatutako moduan. Enpresa-elkarteko kide diren enpresetako ordezkari guztiek izenpetu behar dute adierazitako agiria.
- 7.7 Lizitatuzaileen proposamenean adierazten diren lizitazio-tipoak, haiek kontratuaren esleipenerako zenbateko zehatz eta jakinetan adierazten diren heinean, bere baitan jasoko dituzte, indarreko araubideari jarraituz, haiei aplikatzekoak diren zerga guztiak. Horren salbuespena BEZA izango da, hura aparteko kontu-sailtzat jasoko baita.
- 7.8 Interesatuak, hala nahiko balute, intereseko dokumentazioa azter dezakete, C.H. Renteriaren kontratatuzailearen eskakizunean edo profilean lizitazio hau argitaratzean adierazten den lekuan.
- 7.9 Lizitatuzaileek ezingo dute proposamen bat baino gehiago aurkeztu, baina aurkeztutako proposamenean egokitzat irizten dituzten soluzio-bariante guztiak jaso ditzakete; betiere, baldintza-orri honetako karatulako **"M" ATALEKO** eskakizunak eta baldintzak betetzen badituzte.

Lizitatuzaileek ezingo dute beste enpresa batzuekin proposamen izenpetu, baldin eta aurrez banakako enpresari gisa proposamenik egin badute (xedapen horren salbuespen bakarria izango da lote bat baino gehiago izatea eta proposamenak lote bat baino gehiagorako aurkeztea). Printzipio hori urratuz gero, ez dira onartuko enpresariak egindako proposamen guztiak, eta, ildo horretatik, Sektore Publikoko Kontratuen Legeko 129.3 artikulua arautzen duena beteko da.

Adierazitakoa betetzekoa izango bada ere, lizitatuzaileek aukera izango dute, kontratuak lote bat baino gehiago baditu, bai kontratu-xede osorako eskaintza bat egiteko (eskaintza hori banakatu egingo da lote bakoitzerako) edo lote bat edo batzuetarako eskaintzak egiteko.



CENTRAL HIDROELECTRICA DE RENTERIA

- 7.10 Dokumentazioa euskaraz edo gaztelaniaz idatzita aurkeztu behar da. Atzerriko enpresek hizkuntza horietakoren batera itzulita aurkeztu behar dute dokumentazioa.
- 7.11 Eskaintzarik eginez gero, enpresariak baldintzarik gabe onartuko dituzte baldintza-orri edo Plegu honetako klausula guztiak, eta eskaintza horri ardurapeko adierazpen bat erantsiko diete, C.H. Renteriarekin kontratatzeko baldintza guztiak betetzen dituztela esanez.

8 PROPOSAMENEN EDUKIA

- 8.1 Lizitatuzaileek hiru gutun-azal aurkeztuko dituzte, eta, horietan guztietan, datu hauek adieraziko dituzte: lizitatuzailearen izen-abizenak edo enpresaren izena; gaia adierazteko, espedientearen erreferentzia-zenbakia adieraziko dute; eta, kontratu-xede adierazteko, baldintza-orri honetako karatularen "**A**" **ATALEAN** adierazitakoa zehaztuko dute.
- 8.2 Hiru gutun-azalak helbide honetara bidaliko dira: Bizkaia plaza eraikina, Urkixo zumarkalea, 36 - 1. solairua, 48011 BILBAO. Baldintza-orri honetako karatularen "**E**" **ATALEAN** adierazitako epean bidali behar dute, eta/edo, hala adierazten bada, lizitazio-iragarkian zehaztutako epean.

“Gaiari” dagokion epigrafean, hau adieraziko da gut bakoitzean:

- **“A” gutun-azala:** “Lizitazio-espedientearen zenbakia: dokumentazio orokorra. Enpresaburuen kaudimena eta gaitasuna”
 - **“B” gutun-azala:** “Lizitazio-espedientearen zenbakia: Formula bidez kuantifikatu ezin diren irizpideen dokumentazioa”
 - **“C” gutun-azala:** “Lizitazio-espedientearen zenbakia: Formula bidez ebaluatu ahal diren irizpideen dokumentazioa”
- 8.3 Baldintza-orri honetako 8.5 atalean zehaztutako agiriak jasoko ditu “A” gutun-azalak, “B” gutun-azalak 8.6 atalean zehaztutakoa jasoko du eta, azkenik, 8.7 atalean adierazitako dokumentazioa eramango du “C” gutun-azalak.
- 8.4 Proposamenak entregatuz gero, lehiatzaileek onartu egin beharko dute lizitazioa, baldin eta esleipendun suertatzen badira. Proposamena aurkeztu ondoren, ezingo da hura erretiratu, baldin eta C.H. Renteriak uste badu badagoela horretarako arrazoi justifikaturik.
- 8.5 “A” gutun-azala: Dokumentazio orokorra. Enpresaburuen gaitasuna eta kaudimena.
- Gutun-azalean, espediente-zenbakia adieraziko da, eta, horrez gain, baldintza-orri honen karatulako "**A**" **ATALEAN** adierazitako deskribapena idatziko da, “Dokumentazio orokorra” dela iragarri.



CENTRAL HIDROELECTRICA DE RENTERIA

- Dokumentazio orokorraren atalean, Eusko Jaurlaritzako kontratisten erregistroan erregistratuta dauden lizitatzailleek eta Estatuko lizitatzailleek enpresa sailkatuen erregistro ofizialean erregistratuta daudenean nahikoa izango dute erregistratuta izatearen ziurtagiriaren kopia aurkeztea. Horrekin batera, ardurapeko adierazpen bat aurkeztu beharko dute, erregistroan adierazitako datuak baliozkoak direla eta indarrean daudela bermatuz.
- Adierazitako erregistroetan erregistratuta ez dauden enpresariak, sarrera-erregistrora agertu, eta agiri hauek erantsi beharko dituzte "A" gutun-azalean:
 - a. Proposamena aurkezten duen pertsonaren nortasun agiri nazionala edo haren baliokide den agiri fede-emailea, eta beste pertsonaren baten izenean agertzen edo proposamenak izenpetzen dituzten pertsonak, berariazko ahalorde askietsia ere aurkeztu behar dute.
 - b. Pertsona juridikoak diren enpresarien jarduteko gaitasuna kreditatzeko, haien eraketa-eskritura edo aldaketakoa aurkeztu behar dute. Eskritura horrek merkataritza-erregistroan inskribatuta egon beharko du, baldin eta hari aplikagarri zaion merkataritza-legediak hala eskatzen badu. Hala ez balitz, jarduteko gaitasuna kreditatzeko, eraketaren eskritura edo agiria, estatutuak edo sorrera-egintza aurkeztu beharko dituzte. Bertan, jarduera arautzeko arauak agertu beharko dira, eta behar bezala inskribatuta egon beharko dira kasuan kasuko erregistro publikoan.
 - c. Jarduteko gaitasuna kreditatzeko, kontratatuzeko adina ahalmen ematen duen ahalorde askietsia aurkeztu beharko dute, aurreko atalean xedatutakoa betez.
 - d. Ardurapeko adierazpena, ahalmendutako pertsona batek izenpetua, eta behar bezala adieraziko duena enpresariak ez duela Sektore Publikoko Kontratuen Legeko 49.1. artikuluan araututako debeku, ezgaitasun edo bateraezintasuneko kausarik betetzen. Alderdi hori kreditatzeko, beteta eta izenpetuta aurkeztuko dute baldintza-orri honetako 2. Eranskinak.
Adierazpen horretan, berariaz azaldu beharko dute egunean betetzen dituztela zerga-betebeharrak eta gizarte-segurantzarekikoak. Horrez gain, hautatutako enpresaburuak alderdi horiek betetzen dituela kreditatu beharko du kontratua formalizatu baino lehen.
- Baldintza-orriko karatulako **"G" ATALEAN** hala jasotzen bada, abal bat eratu izanaren agiria aurkeztu beharko da. Behin-behineko bermea izango da abal hori, eta atal horretan adierazitako zenbatekoa izan behar du.



CENTRAL HIDROELECTRICA DE RENTERIA

Hautatutako enpresariak kontratua formalizatzen duenean, amaitu egingo da behin-behineko bermearen indarraldia, eta itzuli egingo zaie hura hautatuak izan ez diren lizitatzailerei.

- Lizitatzailerearen kaudimen ekonomikoa, finantzarioa eta teknikoa edo profesionala kreditatzeko, kaudimen hori dutela egiaztatzen duten honako agiri hauek aurkeztu behar dituzte:

- Kaudimen ekonomikoa eta finantzarioa

1. Finantza-erakundearen txostena, edo, haren ezean, arrisku profesionalen kalte-ordainerako aseguru bat izatearen frogagiria.
2. Urteko kontuak, merkataritza-erregistroan edo dagokion erregistro ofizialean aurkeztutakoak. Kontuak erregistro ofizialetan aurkezteko obligaziorik ez duten enpresariak, bestalde, kontabilitate-liburuak aurkez ditzakete, behar bezala legeztatuta.
3. Negozioen bolumenari buruzko adierazpena, edo haren ezean, kontratu honi lotutako jarduerekin zerikusia duten jardueren negozioaren bolumenarena, azken urtean izandakoen datuei dagokienez.

- Kaudimen teknikoa edo profesionala

Lizitatzailerek kontratu honen inguruko lanekiko esperientzia frogatu beharko dute, honako bide hauen bitartez:

1. Azken 3 urtean honen antzeko ezaugarriak dituztenen kontratu nagusien zerrenda, haien prezioak, datak eta onuradunak adieraziz.

Lehiaketa honetan parte hartzeko, azken hiru (3) urtean eskatzen den antzeko hamar (10) eguzki-instalazio fotovoltaiko, gutxienez, egin behar izan dute.

2. Lizitatzailerek egiaztatu beharko du dituen profesionalen titulazio homologatu eta egokia dela Espainian aritzeko; betiere Plegu honetan eskatzen diren lanak egiteko behar den titulazioei dagokienez. Horretarako, langileen batez bestekoaren zerrenda erantsiko du, azken hiru (3) urteko titulazioak jasoko dituen.

- Kaudimenaren integrazioa kanpoko bitartekoekin

Kontratu hau sinatu ahal izateko behar den kaudimena frogatzeari begira, kontratista beste erakunde batzuen kaudimen edo bitartekoez baliatu daiteke, erakunde horiekin izan ditzakeen harreman juridikoen izaera edozein dela ere; betiere, kontratua aurrera eramateko, bitarteko egokiak izango dituela egiaztatuz gero.

Kontratua egiteko aipatutako bitartekoak izango dituela egiaztatzeko asmoz, eta azpikontratisten aldetik egin beharreko lanak ez direla



CENTRAL HIDROELECTRICA DE RENTERIA

kontratuaren prezioaren %50 baino gehiago izango frogatu ondoren, azpikontratazioari dagokion konpromisoa hartu beharko du, honako baldintza hauen arabera:

- a) Hasieran dokumentu pribatua aurkeztu ahal izango da. Hala ere, enpresa behin-behinean esleipenduna izango balitz, eskritura publikoan dokumentu beharko litzateke.
 - b) Azpikontratatzeko asmoa duen kontratuaren zatia adierazi beharko da, eta kontratuaren prezioaren aldean, zati hori zenbat den, ehunekotan adierazita.
 - c) Kontratu hau gauzatzeko esleipendun aukeratuta izanez gero, adierazi beharko du azpikontratataren esku jarriko dituela behar diren bitarteko guztiak kontratuaren zatia aurrera eramate aldera.
 - d) Azpikontratista izango dena izenaren bidez identifikatu beharko da, edo behientzat profil profesionalaren bidez. Esleipendunak azpikontrata horretaz gain beste azpikontrata batzuk azpikontratatu nahi baditu, SPKLen 210.2 artikulua, a) eta c) hizkiek xedatutakoa kontuan hartuko da.
- Espainiarrak ez diren Europar Batasuneko enpresek eta gainerako enpresa atzerritarrek horrela kreditatu behar dute beren jarduteko gaitasuna eta kaudimen ekonomiko, finantzario, tekniko eta profesionala:
1. Gaitasuna
 - Espainiarrak ez diren Europar Batasuneko herrialdeetako enpresek edo Europako Eremu Ekonomikoari buruzko Ituna izenpetu duten herrialdeetako enpresek nahikoa izango dute erregistroan inskribatuta daudela kreditatzea edo HAKLEOko I. eranskinean adierazten diren ziurtagiriak aurkeztea.
 - Gainerako enpresa atzerritarrek,
 - Haien herrialdeek Espainian duten misio diplomatiko iraunkorrek edo kontsul-etxeak emandako txostena aurkeztu behar dute. Txosten horrek behar bezala kreditatu beharko du, enpresak hala frogatu ondoren, lanbidezko, merkataritzako edo dagokion alorreko toki-erregistroak inskribatuta daudela, edo, horretarako obligaziorik ez balute, ohikotasunez lan egiten dutela, tokiko lan-eremuan, kontratuaren xedeari dagokion jarduera-esparruan.
 - Horrez gain, enpresaren jatorriko herrialdeak Espainian duen Misio Diplomatiko Iraunkorrek edo Ekonomia Ministerioko Kanpo Merkataritzako Idazkaritza Orokorrak emandako txosten bat aurkeztu behar dute. Txosten horretan, dagokion



CENTRAL HIDROELECTRICA DE RENTERIA

herrialdeak Merkataritzako Mundu Erakundeak kontratazio publikoari buruz adostutako ituna izenpetu duela adierazi behar da.

- Enpresak Espainian sukurtsal bat irekia duela kreditatzen duten agiriak, eta, horietan, zehaztuko da zer ahaldun edo ordezkari dituzten izendatuta enpresa-eragiketetarako, eta merkataritza-erregistroan inskribatuta daudela.

2. Kaudimen ekonomikoa eta finantzarioa, teknikoa edo profesionala

Klausula honetako aurreko ataletan adierazitako moduan kreditatuko da. Europar Batasunekoak ez diren enpresa atzeritarrek kreditatu egin behar dute, baldintza hori Espainiako enpresei eskatzen bazaie, sailkatuta daudela, baldintza-orri honetako Karatularen **"N" ATALEAN** xedatutako moduan.

- Lizitazioan parte hartzeko, zenbait enpresarik aldi baterako enpresa-elkartea eratzen badute, enpresa bakoitzak bere gaitasuna eta kaudimena egiaztatu beharko ditu, aurreko puntuetan adierazitakoaren arabera, eta, kasuan betetzekoa bada, SPKLeko 56.5 artikulua kontratisten sailkapenari buruz arautzen duena aplikatuko zaie.

Lizitazioa enpresa-elkarteari esleitzen bazaio, kontratazio-organoari kreditatu behar zaio enpresa-elkartea eskritura publiko batean eratu dela, eta ordezkari edo ahaldun bakarra izendatu beharko da. Ordezkari horrek nahikoa ahalmen izan behar du kontratutik eratorritako eskubideak erabili eta obligazioak betetzeko, harik eta kontratua amaitzen den arte. Enpresa-elkarteen iraupenak bat etorri behar du kontratuaren iraupenarekin, harik eta azken hori amaitzen den arte.

- Enpresen langilerian ehuneko bikoia edo handiagoa bada ezintasunak dituzten langileen ehunekoia, berariaz emandako ziurtagiri bidez edo agiri egokiz frogatu beharko da baldintza hori betetzen dela, baldin eta enpresek SPKLeko seigarren xedapen gehigarriak eta Osasun eta Kontsumoko Ministerioak 2001eko abenduaren 17an emandako Aginduak xedatutakoaz baliatu nahi badute.

8.6 **"B" gutun-azala:** Formula bidez kuantifikatu ezin diren irizpideen dokumentazioa

Lizitzaileak honako dokumentazio hau aurkeztuko du, adierazten den hurrenkeran:

- a) Memoria deskriptiboa eta lan metodologia: Egingo diren lanen deskribapena. Horren barruan izango dira jarriko diren ekipo nagusien ezaugarriak (panelak, alderantzikagailuak...). Horretaz gain, jarraituko den lan metodologia ere aurkeztuko da, bai C.H.



CENTRAL HIDROELECTRICA DE RENTERIA

Renteriaren aurrean izango dena, bai lanak gauzatzeko erabiliko dena.

- b) Kontratua gauzatzen arituko den lan taldea: Plegu teknikoan azaltzen diren lan guztiak egiteko esperientzia egiaztatua eduki beharko du lan taldeak. Esperientzia hori frogatzeko, lan taldea osatzen duten kide bakoitzaren curriculum vitae aurkeztuko da.
- c) Bitarteko materialak: Enpresa eskaintzaileak egitasmoa gauzatzeko erabiliko dituen bitarteko materialak deskribatuko dira.
- d) Proposatzen diren hobekuntzak: Dokumentu honetan zehazten diren baldintzei egindako hobekuntzak adieraziko dira.
- e) Instalazioaren mantentze zentroa: Mantentzeaz arduratuko den enpresa identifikatuko da (I. eranskinaren taula), azken honen aldetik konpromisoa hartuta mantentzea egiteko dokumentua erantsiz, baldin eta lizitatuzailea, azkenean, behin betiko esleipenduna bada.
- f) Planifikazioa: Lizitatuzaileak planifikazio eta lan egutegi zehatza aurkeztuko ditu. Bertan, besteak beste, eskaintzan azaltzen diren mugarri nagusien hasiera eta amaieraz gain, gauzatzeko bideak ere agertuko dira. Horrekin batera, jardueren zehaztapena eta beste lan batzuekiko loturak jasoko dira planifikazioan. Kontuan hartu beharko da klimatologiaren eragina. Hori guztia kronograma batez lagunduta joango da. Aintzat hartuko da proposamenaren koherentzia.
- g) Bermea: Zenbait elementuren bermeak identifikatuko dira; adibidez, instalazioarena, bere osotasunean, eta eskulanarena, alderantzikagailuena, moduluena. Edozein kasutan, Plegu honen **K Atalean** adierazten diren gutxieneko epeak aintzakotzat hartuko dira. Era berean, honako atal hauek zehaztuko dira: matxurarik izanez gero, (plantaren funtzionamenduari eragiten dionean eta eragiten ez dionean), aurre egiteko epea, sortu daitezkeen gastuak adieraziz, eta horiek ordaintzea nori dagokion, lizitatuzaileari edo C.H. Renteriari.

Halaber, lizitatuzaileek, laburpen gisa, goraxeago aipatutako dokumentazioarekin batera, IV. eranskina bete beharko dute.

Gutun-azal honetan ez da sartuko proposamen ekonomikoa, ezta formula bidez kuantifikatu ahal den beste dokumentazio bat ere.

Kontratu honen lan zati batzuk gauzatzeari begira, lizitatuzaileek lan horiek azpikontratatzeko asmorik badute, kontratuaren zein zatiri dagokion azpikontratazio hori adierazi beharko dute. Horrekin batera, azpikontratazio horren balioa edo zenbatekoa eta azpikontratataren izena edo profil profesionala.



CENTRAL HIDROELECTRICA DE RENTERIA

Azken batean, Plegu honen karatularen “0” **ATALEAN** zehazten den ildotik, formula bidez kuantifikatu ezin diren irizpideak ebaluatzeko dokumentazio guztia aurkeztu beharko da. Horrezaz gain, lanak hobeto egiteko, bestelako informazio gehigarri edo egitasmoari egiten zaizkion hobekuntzak ere aurkez daitezke.

8.7 “C” **gutun-azalaren** formula bidez ebaluagarriak diren irizpideen dokumentazioa

(C) gutun-azalak proposamen ekonomikoa eta mantentzearena baino ez ditu jasoko. Hori guztia, lizitatzailleak edo haren ordezkariak sinatuta eta sail bakoitzerako. Horrekin batera, V. eranskinean agertzen den ereduaren arabera. Horrekin batera, proposamen ekonomikoaren eta mantentzearenaren ezaugarri eta kontzeptuei lotutako deskribapen zehatza azalduko da.

9 PROPOSAMENAK IREKITZEA ETA AZTERTZEA

9.1 Proposamenak aurkezteko epea amaituta, lizitatzailleek aurkeztutako dokumentazioa kalifikatuko da.

9.2 Eskatutako dokumentazio administratiboa faltako balitz edo aurkeztutako agiriak akastunak badira, ez da onartuko lizitatzailleak egindako proposamena. Proposamenak akats materialak balitu, HAKLEOko 81. artikulua araututakoa beteko da, eta hiru (3) egun balioduneko epea emango da haiek zuzentzeko. Telefonoa erabiliko da izapide honen berri emateko; zehazki, lizitatzailleak eskaintzan adierazitako telefono-zenbakia.

9.3 Lehiaketatik baztertu egingo dira proposamenak, honako egoera hauek gertatuz gero:

- a) Dokumentazioa epez kanpo aurkeztea.
- b) Plegu honetan eskatzen diren kaudimen ekonomiko eta finantzario nahiz tekniko edo profesionala ez aurkeztea.
- c) Proposamen ekonomiko batzuk aurkeztea, bakarka edo lehiaketara aurkeztuko diren beste enpresa batzuekin batera.
- d) Plegu honetan edo zehaztapen teknikoen pleguan ezarritako baldintzak ez betetzea.
- e) SPKLeke xedatutakoa ez betetzea.

10 ESKAINTZA HAUTATZEKO OINARRIZKO IRIZPIDEAK

10.1 Lehiaketa esleitu gabe uzten ez badu, esleipena abantailatsuena den proposamenari egiteko aukera izango du C.H. Renteriak, eta, horretarako, ez du, ezinbestean, haren balio ekonomikoari erreparatu behar.

10.2 Baldintza-orriaren karatulako “0” **ATALEAN** adierazitako oinarrizko balorazio-irizpideak baliatuko dira eskaintzak baloratzeko.



CENTRAL HIDROELECTRICA DE RENTERIA

- 10.3 Irizpide gehigarri gisa, baldin eta horrela ezarri bada, eta proposamen ekonomikoei dagokienez, positibotzat joko dira lanak egiteko eta epeak betetzeko bermeak aurkezten badira.
- 10.4 Ildo horretatik, proposamen ekonomikoa ez da izango, berez, erabakigarria, baina esleipen-erabakiaren joera izango da, lehiaketako eskaintzei erreparatu ondoren, egin beharreko lanen arrazoizko baliora gehien gerturatu diren eskaintzak hautatzea.
- 10.5 Kontratazio mahaiak proposatutako eskaintzak balio ezohikoak edo gehiegizkoak izango balitu eta kontratazio organoak, enpresak egindako justifikazioa aintzat hartuta eta eskatutako txostenei jarraiki, eskaintza ezin izango litzatekeela bete, balio ezohikoak edo gehiegizkoak direla eta, behin-behineko esleipena egingo luke bigarren proposamen ekonomikoa egokiena, sailkatu diren hurrenkera kontuan hartuz; betiere, Erakunde Kontratatzaileak azken proposamen hori modu onean beteko dela uste badu eta inolako balio ezohiko edo gehiegizkorik ez badu.

Proposamen batek balio ezohiko edo gehiegizkoak izango ditu honako baldintza hauek betetzen baditu: eskaintzen duen Wp bakoitzaren prezioa onartutako proposamenen batez bestekoaren aldean ehuneko hogeita bi (20) gutxiago denean.

Proposamen batek balio ezohiko edo gehiegizkoak dituela adierazi baino lehen, harekin zerikusia duten pertsonen informazioa eskatu eta eman beharko litzateke. Gainera, dagokion zerbitzu teknikoaren aholkularitza emango zaio eta kontratazio mahaiak txostena egingo luke.

- 10.6 Esleipenerako oinarri diren irizpide objektiboak aztertu ondoren, bi lizitatzaileraren edo gehiagoren artean berdinketa balitz, enpresa hau aukeratuko da: kaudimen teknikoaren kreditatzeko unean, lan-plantillan ezintasunak dituzten langileen kopurua langile guztien ehuneko bikoia edo handiagoa duena.

11 ENPRESABURU ESLEIPENDUNA AUKERATZEA

- 11.1 C.H. Renteriaren iritziz, eskaintza ekonomikoa abantailatsuenak nork egin duen hautatu ondoren, lizitatzailerak guztiei emango zaie erabaki horren berri, erabaki hori Kontratatzailearen Eskakizuna edo Profilean argitaratuz.
- 11.2 Eskaintzak baloratu eta enpresaburu esleipenduna hautatzeko gehienezko epea hamabost (15) egunekoa izango da, proposamenak aurkezteko epea amaitzen den egunetik aurrera. Epe hori igaro ondoren, erabakia jakinarazi ez bada, lizitatzailerak, egoki irizten badute, beren proposamenak erretiratzeko asmoa dutela jakinaraz dezakete.
- 11.3 Formalizazio-unean perfektionatu da kontratua, baina formalizazio-egintza burutu baino lehen, zenbait agiri aurkeztu behar dizkio C.H. Renteriari hautatutako enpresaburuak. Horretarako, hamar (10) egun



CENTRAL HIDROELECTRICA DE RENTERIA

balioduneko epea izango du gehienez, agiri horiek eskatzen zaizkion unetik aurrera. Hauek dira agiriok:

- Ziurtagiri positiboa, foru-aldundiak edo, enpresaren lurralde-esparruari erreparatuta, zerga-administrazioko estatu-agentziak emandakoa, zerga-betebeharrak egunean betetzen dituela adierazten duena, eta/edo toki-erakundeak emandako ziurtagiria, hari dagozkion zergak egunean betetzen dituela adieraziz. Horrez gain, jarduera ekonomikoen gaineko zergako alta-agiria edo zerga horretako azken erreziboa aurkeztu behar du.
- Gizarte-segurantzarekiko obligazioak egunean betetzen dituela kreditatzen duen ziurtagiri positiboa; edo, halakorik ezean, dagokion mutualitateko alta-agiria.
- Behin betiko bermea eratu izanaren frogagiria, baldin eta betebeharrak hori finkatu bada karatulako “H” **ATALEAN**. Sektore Publikoko Kontratuen Legearen 84. artikuluan adierazitako bideak erabiliko dira bermea eratzeko.
- Aseguru enpresak egiaztatuta, aseguru guztien egokitzapena, estaldura eta indarrean dauden dokumentuak, Plegu honen 22. atalean jasotzen diren baldintzen arabera.

Plegu honen karatulan adierazten da non aurkeztu behar diren agiri horiek guztiak.

12 KONTRATUAREN FORMALIZAZIOA

- 12.1 C.H. Renteriak bere gain hartzen du eskaintzaren edukia egiaztatzeko gaitasuna, bai eta kontratuaren formalizazioaren aurretiko dokumentazio administratiboa egiaztatzekoa ere.
- 12.2 Kontratuaren formalizazioa enpresariari bere eskaintza onartua izan dela jakinarazi ondorengo egunean hasiko da, eta hamabost (15) egun naturaleko epean egingo da.
- 12.3 Kontratuaren formalizazioaren bitartez, C.H. Renteriak kontratuzko onarpena adierazten du eta modu horretara, kontratua perfektionatzen da.
- 12.4 Kontratuak bere baitan bilduko ditu C.H. Renteriak kontratatuzko dituen barne arauan jasotako aipamenak.
- 12.5 Kontratua ezin izango da formalizatu enpresariak baldintza-orri honetan zehazten diren dokumentu guztiak aurkezten ez baditu. Kontratua enpresariari egotz dakizkion arrazoiengatik formalizatuko ezin balitz, C.H. Renteriak behin-behineko bermea konfiskatzeko eskubidea izango du, horrelakorik izango balitz. Behin-behineko bermerik ez balego, enpresariak C.H. Renteriarik kalte-ordaina eman beharko dio. Kalte-ordaina gehienez ere kontratuaren aurrekontuaren ehuneko hirukoa izango da.



CENTRAL HIDROELECTRICA DE RENTERIA

- 12.6 Kontratua dokumentu pribatuan formalizatuko da, eta formalizazio horretatik eratorritako gastu eta zerga guztiak hautatutako enpresariak ordaindu beharko ditu.
- 12.7 Kontratua enpresa-talde bati esleituz gero, enpresa horiek talde horren eraketa frogatu beharko dute eskritura publiko baten bitartez eta kontratuaren formalizaziorako zehaztutako epean. Enpresa-taldeari emandako IFZ ere aurkeztu beharko dute.
- 12.8 Esleipendunak isilean gorde beharko ditu kontratua dela eta ezagutuko dituen eta kontratuarekin zerikusia duten ezkutuko datu eta aurrekari pribatuak.

13 KONTRATUA GAUZATZEA

a) Kontratua klausula eta pleguetan ezarritakoari atxikita beteko da, eta kontratazio-organoak, honen ordezkariak edo kontratuaren arduradunak kontratistaren esku utz ditzakeen interpretazio jarraibideen arabera.

b) Kontratua kontratistaren arrisku eta zoriaz beteko da.

c) Kontratistak bere gain hartuko du garatutako lanen eta burututako eginkizun eta zerbitzuen kalitate teknikoaren ardura, baita C.H. Renteriarentzat edo hirugarrenentzat kontratua betetzean gerta daitezkeen hutsegite, akats, metodo desegoki edo ondorio okerrek eragindako ondorioen erantzukizuna ere.

d) Kontratua behar bezala betetzeko, kontratistak konpromisoa hartzen du informazio osagarria eta laguntza teknikoa emateko (dokumentuak eta mota guztietako informazioa).

e) Lanak egiten diren bitartean, kontratuaren aplikazio zuzenaren eta istripu edo kalteen, pertsonen, materialei eta hirugarrenei gerta dakizkienak, ardura kontratistarena izango da

f) Kontratua indarrean dagoenean eta kontratua amaitu ondoren, kontratista derrigortuta dago isilpeka gordetzera kontratuaren helburuekin zerikusia duten datu eta aurrekariak, bereziki jakinak eta agerikoak ez direnak, baita kontratua bete ahala ezagut ditzakeenak ere.

g) C.H. Renteriak ez dio ordainduko kontratistari kontratuan zehaztuta ez dagoen ezein lan edo kontratazio-organoak edo kontratuaren arduradunak aldeztu aurretik baimendu ez duen ezein lan.

h) Kontratua amaitzen denean, C.H. Renteriak kontratu honen xedea diren lanak jasotzeko ekitaldi formala egingo du. Une horretatik aurrera, Plegu honetan aurreikusten den bermearen epea jarriko da indarrean.



14 KONTRATUAREN ALDAKETA

- a) Ezustekoei eta egoera berriei aurre egin ahal izateko C.H. Renteriak zerbitzu-kontratua aldatzeko gaitasuna izango du, baina aldaketa horrek ezin izango du hasierako kontratuaren ehuneko hogeiei (%20) gainditu. Kontratatistak derrigorrean onartu behar ditu aldaketa horiek. Aldaketek, kasu bakartuetan edo bere osotasunean ehuneko hori gaindituz gero, kontratatistak kontratua eten dadin eskatzeko eskubidea du. Kontratuzko aldaketen prezioa bi aldeek zehaztuko dute, bakoitzak bere prezioak ezarriz eta horiek negoziatuz.
- b) Kontratatistak ezin izango du inolako aldaketarik egin kontratuaren xedeari dagokionez, aldez aurretik adostasunez egin ez bada, eta hala badagokio, kontratazio-organoak ezarritako aurrekontuaren gainean.

C.H. Renteriaren oniritzia edo baimena ez duten aldaketek erantzukizuna ekarriko diote kontratatistari, eta horiek eragin ditzakete gastuak kontratatistaren kontura joango dira.

15 KONTRATUAREN LUZAPENA

Baldintza-orri honetako Karatulan aurreikusten diren baldintzak betez luza daiteke kontratua.

Aurreikusitako luzapenak gertatuko balira, kontratuaren prezioa hasieran zehaztutakoa izango litzateke, baina, luzapeneko urte bakoitzean berraztertu egingo da aurreko urteari dagokion KPIa aplikatuz. KPIa Estatistikako Institutu Nazionalak ezarritakoa izango da.

16 PREZIOAREN ORDAINKETA

Kontratatistak C.H. Renteriaren adostasunarekin burututako eta emandako lanengatik ordainsaria jasotzeko eskubidea izango du, lanei dagozkien fakturak aurkeztuta.

Plegu honetako karatulan adierazten da prezioaren ordainketa nola egingo den.

Inola ere ezingo da ordainketarik egin kontratua formalizatu arte.

Kontratuaren arduradunak emandako berariazko baimena jaso ezean, kontratatistak ez du egindako hobekuntzak kobratzeko eskubiderik.

Plegu honetan jasotzen den bezala, C.H. Renteriak kontratatistari ezarri ahal dion zigor ekonomikotik prezioa kentzeko eskubidea du.



17 GUTXIENeko BERMEAREN EPEA EDO ALDIA

Gutxieneko berme aldia hiru (3) urtekoa izango da, kontratuaren prestazioa behin betiko jasotzen den egunetik kontatzen hasita.

- a) Berme aldi horretan, adostutako kalitate baldintzak ez betetzearen ondorioz, materialen konponketarik egin behar izanez gero, esleipendunaren ardura izango litzateke.
- b) Aipatutako konponketaren bat egin beharko balitz, berme aldia eten egingo litzateke, konponketa egiten den bitartean.
- c) Esleipendunak bermea betetzen ez badu, C.H. Renteriak eskubidea izango du ordaindu gabe dituen zenbatekoak ez ordaintzeko; baita abalak gauzatzeko eta kontratua bertan behera uzteko ere. Gainera, esleipendunak dagokion kalte-ordaina ordaindu beharko dio.

Berme aldia igaro ondoren, eta C.H. Renteriak esleipendunari jakinarazi ez badio lanak egitean akats, kalte edota arazorik, kontratua deuseztatuko da eta esleipendunaren ardura izango da; baldin eta agerian ez diren akats edo arazoak ez badira. Horrelakoetan, esleipenduna izango litzateke arduraduna, berme aldia igarota ere.

18 BEHIN BETIKO BERMEA

a) Kontratatik, kontratua indarrean dagoen epe guztian zehar eta lana behin betiko jasotzeko ekitaldi formala arte, behin betiko bermea jarri eta eduki beharko du, lanak behar bezala egingo direla bermatzeari begira, Plegu honetan eta Zehaztapen Teknikoen Txostenean ezartzen diren epe eta baldintzei jarraiki.

Aipatutako behin betiko bermearen zenbatekoa kontratuaren prezioaren %5 izango da. Bermea ezartzeko bideak SPKLen 84. artikulua arabera izango dira.

b) Kontratua bertan behera geratuko balitz, eta horren arrazoiak kontratistari egotzi dakizkioke, kontratuan jasotako prestazioak edo kantitateak itzultzeaz gain, C.H. Renteriak eskubidea izango du kalte-ordaina jasotzeko, kontratatik hartutako konpromisoak ez betetzeagatik, eta horren ondorioz, ezarritako behin betiko bermea bahituko du.

19 EPEAK ETA BERANDUTZEAGATIKO ZIGORRAK

a) Kontratista derrigortuta dago kontratua Plegu honetako Karatulan finkatutako epeetan gauzatzera; baita proposamen teknikoarekin batera aurkeztutako lan-plangintzan jasotzen dena ere.



CENTRAL HIDROELECTRICA DE RENTERIA

b) Kontratista edozein epetan berandutu egin dela jotzeko, ez da beharrezkoa izango C.H. Renteriak alde zuzenetik ohartarazpenik egitea. Atzerapen horiei dagozkien zigorrak C.H. Renteriak ezarriko ditu automatikoki.

c) Azken epea amaitu eta kontratista berandutu egin bada berari egotz dakizkiokeen arrazoiak direla eta, C.H. Renteriak adostutako azken prezioaren %20ko zigorra ezar diezaioke.

Zigorren zenbatekoak ez du kanpo uzten C.H. Renteriak kontratistaren berandutzeagatik sortutako kalte-galerak direla kausa eska dezakeen kalte-ordaina, ez eta C.H. Renteriak kontratua suntsiarazteko duen eskubidea ere.

d) Era honetako zigorrak ezartzeko prozeduran kontratistari alegazioak egiteko aukera eman beharko zaio derrigorrez, kontratuaren arduraduna entzun ondoren.

20 KONTRATISTAK KONTRATUA AKATSEZ BETETZEA EDO ZATIKA BETE GABE UZTEA

C.H. Renteriak zehaztuko du kontratistak egindako lana gauzatze eta betetze-aldiari begira ezarritako preskripzioekin bat datorren ala ez, eta behar izatekotan, kontratatutako zereginak bete ditzala edota harrera aldi igarritako akatsak konpon ditzala eskatuko dio. Zuzenketa horiek egiteko epea hamabost (15) egunekoa izango da gehienez ere.

Egindako lanak ez badatoz bat kontratatutako zereginekin, kontratistari egotz dakizkiokeen akatsak edo hutsegiteak medio, C.H. Renteriak lan horiek errefusatu eta ordainketa egitetik salbuetsita geratzeko aukera izango du, eta horrekin batera, kontratua bera indargabetu ahal izango du, eta kontratistari, zigor gisa, adostutako azken prezioaren %20 eskatu ahal dio.

Zigor horien barruan ez daude, kalte-ordain moduan, C.H. Renteriak jasotzeko eskubidea izan dezakeen diru kantitatea, kontratistak epeak eta beste ez betetzeagatik sor daitezkeen kalteen ondorioz.

21 KONTRATISTAREN BETEBEHARRAK

21.1 Lan arriskuen prebentzioa

Esleipendunak bete eta bere ardurapeko langileei betearaziko dizkie lan legeriak arriskuen inguruan xedatutako arau guztiak; baita aplikagarria zaien



CENTRAL HIDROELECTRICA DE RENTERIA

Lan Ituna, eta bereziki, Lan Arriskuen Prebentzioaz diharduen azaroaren 8ko 31/1995 Legeak dioena bete eta betearaziko du.

21.2 Betebehar laboral eta sozialak

a) Kontratatistak, esleitu zaion lana egiteko kontratatzen dituen langileei dagokienez, indarrean dagoen gai laboralei buruzko araudia eta Gizarte Segurantzari, ezinduen integrazio laboralari eta lan-arriskuen prebentzioari buruzko araudiak bete behar ditu. Gizarte-formazioarekin zerikusia duten azken araudi horien kasuan, azpikontratatuak –halakorik izanez gero– bere langileei dagokienez, indarrean dagoen gai laboralei buruzko araudia beteko duela ziurtatu behar du kontratatistak.

b) Kontratu hau betetzeko aplikagarria diren heinean, kontratatistak espresuki adierazi behar du higie, segurtasun eta ingurumen alorreko araudi eta legeak bete eta betearazteko bitartekoak, gaitasuna eta ezagutza dituela, eta kontratua betetzean horrelako gaien inguruan gerta litezkeen erreklamazioei aurre egiteko konpainiak ez du inolako ardurarik.

c) Kontratatistak bere menpeko langile guztiei babesteko ekipo homologatuak eman behar dizkie, kontratuan aurreikusten diren lanen segurtasunak edo arriskuak hala eskatzen badu, aplikagarria izan dakioken lan arriskuak prebenitzeko planaren arabera. Horrekin batera, langile horiek ekipoak behar bezala erabiltzeko prestakuntza jaso dutela bermatu behar du.

d) Kontratatista behartuta dago lana baldintza duinetan egiten dela bermatzera, bai bere enpresan, bai hark azpikontratutako enpresetan (halakorik izanez gero). Horrez gain, langileei dagokien sektoreko hitzarmenak beteko dira, batez ere pertsonalaren subrogazioari dagokionez.

e) Lanei atxikitako beharginek kontratistaren menpe jardungo dute, eta honek enpresariari dagozkion eskubide eta betebeharrak izango ditu beharginen gainean.

f) Kontratua hau sinatzeagatik C.H. Renteriak ez du inolako betebehar eta erantzukizunik izango gizarte eta lan betebeharren inguruan, legez kontratatistak bere menpeko langileekin dituenak, alegia. Nolanahi ere, kontratatistak konpromisoa hartzen du C.H. Renteriari erreklamaziorik ez eskatzeko, haren langileek edo beste batek aipatutako betebeharrak izan ditzaketan arazoan aurrean.

g) Orokorrean, kontratatistak aurre egin beharko die enplegatzailerik gisa dagozkion betebeharrei, bai eta kontratatistak edo honen azpikontratatistek langileekin dituzten lan-harremanak edo bestelakoak erregulatu eta garatzen dituzten arauak betetzetik datozkienei ere, eta C.H. Renteriari ez zaizkio leporatuko horietako edozein ez betetzeak sor ditzakeen isun, zigor edo bestelako erantzukizunak.

Edozein kasutan, kontratatistak oso-osorik ordainduko dio C.H. Renteriari. Plegu



CENTRAL HIDROELECTRICA DE RENTERIA

honetako betebeharrak ez betetzeak zehaztuta daukan kalte-ordaina, nahiz eta ebazpen judizial edo administratiboak ezarritakoa izan

h) C. H. Renteriak hala eskatzen badio, kontratistak dokumentatuta egon daitezkeen betebeharrak betetzen direla egiaztatzen duten dokumentu guztiak aurkeztuko dizkio. Aurkezten ez badio edo justifikatu gabeko luzapena gertatzen bada, kontratuan ezarritako betebeharrak bat ez dela betetzen ulertuko da, eta, beraz, C. H. Renteriak kontratua bertan behera uzteko eskubidea izango du

i) Kontratua iraungita, ezin izango dira inola ere C. H. Renteriako langile bihurtu kontratuan zehaztutako zereginetan jardun duten beharginak.

j) Kontratistari egokituko zaizkio, eta bere kontura joango dira, kontratua betearazteak ekarri ahal dizkion kostu guztiak.

k) Behar bezala justifikatuta ez dauden atzerapenak edo dokumentazioa ez aurkezteak ekarriko du kontratua ez betetzea, eta, beraz, C. H. Renteriak bertan behera utz dezake kontratua.

21.3 Ingurumenari buruzko betebeharrak

Kontratistak eta bere ardurapeko azpikontratek egingo dituzten lan guztietan saihestuko dituzte kalte edo eragin kaltegarria ingurumenean, animalietan eta landareetan, eta egin beharreko lanen ondorioz eragingo diren gorabehera edo kalteak ekiditeko edo murrizteko erabaki edo neurri guztiak hartuko ditu.

Ingurumen alorrean agintari eskudunek emandako eta ezarritako lege, araudi eta gomendio guztien arabera egingo ditu lan guztiak kontratistak. Horretaz gain, C.H. Renteriak eman ditzakeen arau guztiak ere beteko ditu, eta bete ezean, kontratista bera izango da arduradun bakarra.

21.4 Hirugarrenen baimenak

C.H. Renteriak bere kabuz egin ditzakeen kontratuzko eragiketak eta kudeaketa-lanak alde batera utzita, kontratistak bere lana egiteko beharrezkoak diren baimen eta lizentziak lortu beharko ditu, haiek norbanakoei, elkarteei, enpresei eta erakundeei eskatuz. Baimen horiek lortzeko zerbait ordaindu beharko balitz, diru-kopuru hori ere kontratistak ordaindu beharko du.

22 ASEGURUAK

1.- Kontratuaren loturak irauten duen bitartean, esleipendunak jarraian agertzen diren aseguruak izenpetu eta indarrean mantendu beharko ditu onartutako finantza-kaudimena duten konpainiekin, eta esleipendunak edo bere azpikontratistak eragin ditzakeen kalteen estalduraren barruan izango dute C.H. Renteria. Kontratistak honako aseguru hauek eduki behar ditu:



CENTRAL HIDROELECTRICA DE RENTERIA

a) Erantzukizun zibil profesionala

Erantzukizun zibil profesionalaren aseguru honek diharduten profesionalak beste bati eragin ahal dizkioten kalte edo zauriak, pertsonalak edo materialak, estaltzeko bermea eman behar du. Horrekin batera, aseguratuak bere zereginak egitean, edo haren menpeko egon daitekeen eta erantzukizuna duen besteren batek izan dezaketen akats profesionalen edo arduragabekeriaren ondorioz, ondareari eragin ahal zaizkion kalteak ere kontuan hartuko ditu aseguru horrek.

Aipatutako aseguruak, besteak beste, erantzukizun zibil patronala (lan istripuak) produktuena eta lanen ondorengokoena bildu beharko ditu eta horren gutxieneko estaldura 600.000 eurokoa izango da ezbehar bakoitzerako; zenbateko hori Baldintza Pleguan aldatu ahalko da. Erantzukizun zibil patronalari dagokionez, gutxieneko estaldura 150.000 eurokoa izango da kasu bakoitzeko. Lanak direla eta, Esleipendunak salgaiak edo ekipoak garraiatu behar izanez gero, garraioari lotutako erantzukizun zibilaren estaldura kontuan hartuko da.

b) Ibilgailuen aseguruak

Aseguru horiek, haren jabetzako edo azpikontratisten ibilgailuek, makinek eta, oro har, ekipoek hirugarrenei eragin ahal dieten kalteen ondorioz, erantzukizun zibileko estaldura izango dute.

c) Pertsonen aseguruak

Lanetara esleitutako langile eta azpikontratatu guztien gaixotasunagatiko eta laneko istripuengatiko aseguruak, aplikagarria den legeriak xedatutakoa betez, eta langileen hitzarmenetan ezarritakoa kontuan hartuz. Legez eskatzen diren aseguru guztiak ere barne egongo dira.

d) Beharrezkoak diren beste aseguru batzuk, edo/eta aplikagarria den legeriak hala eskatuta.

Esleipendunak estaldura horiek guztiak izan beharko ditu obra behin betiko jasotzen den ondorengo sei (6) hilabetean. Era horretan, aipatutako epean, aseguruaren polizak kontuan hartuko ditu hirugarrenen erreklamazio guztiak.

2.- Aurrekoa kontuan izanik, esleipendunak uko egiten dio inolako erantzukizunik eskatzeari C.H. Renteriaren aurka.

3.- Kontratuari lotutako lanei ekin aurretik, kontratistak egindako aseguruaren kopia edo egiaztagiria emango dio C.H. Renteriari, eta horien baldintzei eta indarraldiari lotutako aldaketen berri eman beharko du. Baldintza horiek aldatuko lirake, behar izanez gero, C.H. Renteriaren iritziz.

4.- Kontratistak dokumentu honetan aipatzen diren aseguruak kontratatzen ez baditu, edo aseguruak indarrean daudela egiaztatzen dituzten agiriak hogeita



CENTRAL HIDROELECTRICA DE RENTERIA

hamar (30) egun naturaleko epean aurkeztu ezean, C.H. Renteriak aseguru horiek egiaztatzeko agiriak aurkezteko eskatzen duen egunetik kontatzen hasita, ordainduta daudela argi nabarmenduz, C.H. Renteriak eskubidea izango du antzeko estaldura izango duten aseguruak kontratatzeko, eta horien kostuak kontratatzailearen kontura joango dira eta, hala dagokionean, C.H. Renteriak kontratistari egin beharreko ordainketatik kenduko dira.

5.- Aseguruaren inguruan kontratistari begira ezarritako eskakizun guztiak azpikontratistei ere eragingo dizkiete, betiere modu egokian eta arriskuen proportzionaltasunaren arabera, eta alor honetan hutsune edo gabeziaren bat izanez gero, C.H. Renteriarik eman beharko dizkio azalpenak.

6.- Aipatutako aseguru edo polizetan aldaketarik izanez gero, bertan behera edo berritzeak egiten badira, adibidez, kontratistak C.H. Renteriarik jakinaraziko dio. Era berean, C.H. Renteriak hala eskatzen baldin badiu, kontratistak aseguruaren kontratuen kopiak eta ordainduta daudela egiaztatzen dituzten dokumentuak erakutsiko dizkio. Kontratistak egiaztatzen edo bidaltzen ez baditu eskatutakoa, bere aldetik kontratua ez betetzea lekarke.

7.-Kontratuan azaltzen diren lanak egitearen ondorioz gerta litezkeen istripuak direla eta, esleipendunak ez dio C.H. Renteriarik inolako erantzukizunik eskatuko, ez ekonomikoa ez galerengatikoa, eta, hala dagokionean, C.H. Renteriarik kalte-ordaina eman beharko dio.

8.Hirugarrenek erreklamazio edo galera handia, arazo, kalte edo lan istripu larria gertatuz gero, esleipendunak berehala jakinaraziko dio C.H. Renteriarik idatziz.

9.- Kontratistaren kargura izango diren arrisku, betebeharrak eta erantzukizunak ez dira mugatzen klausula honetan aipatzen diren aseguruaren kontrataziora. Hori horrela, hartutako arriskuetatik erator daitezkeen betebeharrak eta erantzukizunak ez dira soil-soilik sinatutako aseguruaren zenbatekoetara mugatuko, C.H. Renteriareneko edo besteren kaltean gauzak gertatuz gero.

10.- Atal honetan aipatutako aseguru guztien kostua kontratistak ordaindu beharko du.

11.- Esleipendunak klausula edo atal honetan aipatzen dena aintzat hartzen ez badu, kontratua ez duela betetzen ulertuko da.

23 EGINDAKO LANEN JABETZA ETA DATU PERTSONALEN ERABILERA

23.1 Egindako lanen jabetza

C.H. Renteriareneko jabetzapekoak izango dira jasotako zerbitzua eta egindako lanei dagozkien eskubideak, baita hauen jabetza industrial eta komertziala ere,



CENTRAL HIDROELECTRICA DE RENTERIA

CADEMen esku egonik horien erabilera, beste inork merkaturatu, berregin edo beste era batez erabiltzeko aukerarik izan gabe C.H.Renteriak espresuki baimentzen ez badu, eta ondorioz, honek jabegoari dagozkion agiri edo materialak ematea eskatu ahal izango du, aurrekariak, datuak eta prozedura guztiak barne.

Jabego intelektual edo industrialaz babestutako produktuak garatzea eta erabiltzeko moduan jartzea xede duten zerbitzu-kontratuek C.H. Renteriarene esku utziko dute aipatutako jabego intelektual edo industrialak.

Jabego intelektualari atxiki dakizkiokeen lanak C.H. Renteriarik eskusibaz emandakoak direla ulertuko da, salbu eta aldeztu aurretiko eskubideak dauden kasuetan, halakoetan emakida eskusibotasunik gabe egin daiteke eta.

Kontratua indargabetu ahal izango da, baldin eta egiaztatzen bada kontratistak kontratugaitzat jo daitekeen lana, osorik nahiz zatika, hirugarrenen esku utzi duela C.H. Renteriarene baimenik gabe. Kontratua indargabetzeko kausa hau gertatzen bada, kontratistak kontratua bete gabe utzi duela ulertuko da ondorio guztietarako.

23.2 Datu pertsonalen erabilera

Abenduaren 13ko Datu Pertsonalak Babesteko 15/1999 Lege Organikoak xedatutakoa betez, kontratu honen gauzatzearen ondorioz, C.H. Renteriak aginduko dion eran erabiliko du informazioa kontratistak, eta kontratuarekin zerikusia ez duen zereginetarako ez du erabiliko, ezta beste pertsona batzuei emango ere.

24 LAGAPENA ETA AZPIKONTRATAZIOA

a) Kontratuaren lagapenerako legezko eskakizunei dagokionez, SPKLen 209. artikuluan zehaztutakoa bete beharko da. Dena dela ere, C.H. Renteriak aldeztu aurretik eta berariaz baimendu beharko du kontratuaren lagapena.

Kontratua ezin izango da laga, berau esleitzeko arrazoi erabakigarriak jatorrizko kontratistaren gaitasun pertsonal edo teknikoak izanez gero.

b) Kontratistak azpikontrata egin nahi izanez gero, SPKLen 210. artikuluan zehazten diren xedapenak bete behar ditu. C.H. Renteriarik azpikontratu hori adierazten dion idatzian, aipatutako xedapen horiez gain, azpikontratu egikaritzeko baldintza teknikoak ere azaldu beharko dira.

Nolanahi ere, azpikontratazioek honako baldintza hauek bete beharko dituzte:

- (i) Kontratistak aldeztu aurretik jakinarazi behar dizkio C.H. Renteriarik idatziz egin nahi dituen azpikontratu guztiak, azpikontratista bakoitzari lotutako kontratuaren aldea adieraziz.
- (ii) C.H. Renteriak aldeztu aurretik onartu behar du.



CENTRAL HIDROELECTRICA DE RENTERIA

Hala ere, jakinarazitako azpikontratazioa ez onartzeko eskubidea bere gain hartzen du C.H. Renteriak, baldin eta proposatutako azpikontrataren gaitasun teknikoa nahiko egiaztatuta ez badago, edo azpikontratua gauzatzeko baldintza teknikoak aski bermatuak ez badaude.

Azpikontratatuak jatorrizko kontratistaren mende geratuko dira eta jatorrizko kontratista hori izango da, C.H. Renteriari dagokionez, Plegu honetan eta kontratuan zehazten diren betebeharren ardura izango duena.

25 BEHIN BETIKO JASOTZEA

Obra behin-behineko jasotzeko izapideak abian jarriko dira esleipendunak kontratuaren arduradunari, C.H Renteriak hautatutakoari, honako hau jakinarazten dionean:

- (i) Obra 1. eranskinean azaldutako zehaztapen teknikoen eta esleipendunaren eskaintzan adierazitakoaren arabera amaitu dela.
- (ii) Akatsik aurkituz gero, den-denak konponduta daudela.
- (iii) Indarrean dagoen legeriak eskatzen duen dokumentazio guztia prestatuta dagoela.
- (iv) Behin-behineko instalazioak kendu direla eta lekua behar bezala garbitu dela.

Hamabost (15) eguneko epea igaro baino lehen, kontratuaren arduradunak obra aztertuko du eta egiaztatuko du obrak arau edo baldintza teknikoak eta 1. eranskinean esaten dena betetzen dituela; baita eskaintzan eta kontratu honetan jasotzen dena ere.

Ikuskapena edo azterketa positiboa bada, kontratuaren arduradunak obra behin betiko jasotzeko akta egingo du, ale bitan, eta C.H. Renteriari eta esleipendunari bidaliko die kopia bana. Onarpen horrek izaera loteslea izango du berme-aldiak hasteko.

Kontratuan azaltzen diren lanetan kontratuaren arduradunak akatsik aurkituz gero, ordea, esleipendunari jakinaraziko dio eta honek hamabost (15) eguneko epean, gehienez ere, konpondu beharko lituzke akatsak.

Goraxeago adierazi den epean esleipendunak aipatutako akatsak konponduko balitu, kontratuaren arduradunak obra behin betiko jasotzeko akta egingo luke, ale bitan, eta C.H. Renteriari eta esleipendunari bidaliko die kopia bana, berresteko. Onarpen horrek izaera loteslea izango du berme-aldiak hasteko.



CENTRAL HIDROELECTRICA DE RENTERIA

Prestazio akasdunei lotutako arazoak adierazitako epean konpondu ezean, C.H. Renteriak bertan behera utz dezake kontratua eta kalte-ordainengatik eskabidea egin dezake. Esleipendunak ordura arte jasotako kopurua eta %20 gehiago izango da kalte-ordainaren zenbatekoa.

26 HIZKUNTZA BALDINTZAK ZERBITZU KONTRATUETAN

Enpresa esleipendunak kontratu honi lotutako jarraibideei buruzko eskuliburuak edo ondasunen eta produktuen dokumentazioa EAEko hizkuntza ofizial bietan emango ditu. Horren barruan sartzen dira software guztien testuzko eta entzunezko interfazeak.

Administrazio kontratu-egilearekiko harremanetan, normalean euskara erabiliko da. Kontratua gauzatzeari begira, hauxe da “normalean euskara erabiltzea”: a) ahozko komunikazioetan, euskaraz dakien langileek euskaraz egingo dute, hasiera baten, kontratua gauzatzeko zereginak direla eta administrazio kontratu-egilearekin harremanetan jartzen direnean. Administrazio kontratu-egilea euskaraz zuzentzen ari den langile bati eta horrek hizkuntza behar bezala menperatzen ez badu, kontratua gauzatzeko ardura duen enpresak berehala jarri beharko ditu euskara behar bezain ondo dakiten langileak edo bitartekoak, kontratuaren ondorioz administrazioarekin burutu beharreko harremanak euskaraz izan daitezen, eta b) komunikazio idatziak euskaraz eta gaztelaniaz egingo dira, salbu eta igorleak eta hartzaileak euskara hutsean egitea erabakitzen badute.

27 KONTRATUAREN ARDURADUNA

Izaera teknikoko erabakiak hartzerakoan, C.H. Renteriak kontratuaren arduraduna izenda dezake, kontratistak egindako lanen gaineko aholkularitza eta ikuskapen lanak egin ditzan, eta kontratazio-organoaren edo honek ordezkariatzat aukeratzen duen pertsonaren eskumena izango da kontratuaren arduradunak kontratuaren garapenaz egindako jarraipenaren ondoriozko erabakiak hartzea.

Era berean, aintzat hartuko ditu Plegu honetan egotzitako zereginak. Kontratazio-organoak kontratuaren arduradunaren esku utz ditzake kontratuaren burutzapenaz dituen eskubide eta ahalmenak, guztiak edo batzuen batzuk.

28 KONTRATUAREN IRAUNGIPENA/DEUSEZTAPENA

Amaitu delako, bete delako edo eten delako iraungiko da kontratua.

Kontratua iraungitzeko arrazoiak baldintza-orri honetan, Kode Zibilean eta SPKLen 206. artikuluan zehazten direnak izango dira. Baita honako arrazoi hauek ere:



CENTRAL HIDROELECTRICA DE RENTERIA

- (i) Baldin eta kontratua gauzatzeko garaian, hirugarrenen ekintzen ondorioz, kontratua gauzatzea ezinezkoa balitz ikuspuntu tekniko nahiz ekonomikotik, bidezkoa litzateke, C.H. Renteriak egokitzat joz gero, kontratua indargabetzea, eta ondorioz, kontratistari C.H. Renteriak eskatu eta bere horreketan gauzatutako lanak ordainduko litzaizkioke soilik, arrazoi honengatik C.H. Renteriarik kalte-ordaina eskatu edo erreklamazioa egitea bidegabekoa delarik.
- (ii) Kontratistaren berandutza kontratuan adierazitako lanak egiteko epea betetzerakoan.
- (iii) Kontratuaren gainerako funtsezko betebeharrak bete ez betetzea.

Ezarritako baldintzen arabera arrazoi hauetako edozein gertatuz gero, C.H. Renteria baimenduta egongo da kontratua indargabekotzat jotzeko, eta Plegu honen eta indarreko araudiaren arabera dagokion kalte-galeren ordaina eskatu ahal izango du, betearazpen subsidiarioaz baliatzeko aukera barne, egin gabe geratu diren betebeharrak gauzatu edota lanak gauzatzen jarraituz, berez edo egokitzat jotzen dituen pertsona edo enpresen bitartez, kontratistaren kontura.

28 JURISDIKZIO ESKUDUNA

Jurisdikzio Zibileko Epaitegiak izango dira (SPKLren 21.2 artikulua) kontratu hau prestatzean, esleitzean, interpretatzean, betetzean eta amaitzean sor daitezkeen auziak erabakitzeke eskudunak, eta bi aldeak borondatez jartzen dira Bilboko epaitegi eta auzitegien mendean. Era berean, berariaz egiten diete uko erabilgarri izan ditzaketan bestelako foroak.



CENTRAL HIDROELECTRICA DE RENTERIA

I. ERANSKINA

ZEHAZTAPEN TEKNIKOEN PLEGUA, GILTZA ESKUAN ERAKOA, 40 kW-eko EGUZKI INSTALAZIO FOTOVOLTAIKO BAT HORNITU, JARRI, ABIARAZI ETA MANTENTZEA KONTRATATZEKO

- EZAUGARRIEI BURUZKO FITXAK -

Arazko zehaztapen teknikoak

- (i) Eguzki-instalazio fotovoltaikoa osatzen duten atal guztiek bete beharko dituzte aplikagarriak izan dakizkiekeen arau eta lege oro.
- (ii) Eguzki-instalazio fotovoltaikoa sarera konektatzeko behar den ekipo osagarriak bete beharko du 1663/2000 Errege Dekretuak xedatutako betekizunak.

Alderdi teknikoak

- (i) Eskaintzetan mono panel eta polikristalinoak zein geruza finekoak aurkez daitezke.
- (ii) Instalazioen gehieneko gaindimentsionamendua ez da izango alderantzikagailuen irteerako potentzia baino %20 handiagoa, eskatutako potentzia eta enpresa elektriko banatzaileak onartua.
- (iii) Behe-tentsioan jarduteko, sare elektrikora konektatzeko guneak eguzki plantak kokatuta egongo diren eraikin berean izango dira. Halaber, gainerako ekipo osagarriak (alderantzikagailuak, kableak, neurria...) erakin horretan izango dira.
- (iv) Paneli eusteko egiturak materialak egokien bidez fabrikatuko dira; batez ere, muturreko klimatologiari aurre egiteko, bai kalitate aldetik (presentzia, tratamenduak, herdoilaren aurkakoa...), bai kontrako egoera atmosferikoen aldetik.

Salbuespenak

- (i) Azkenean, baldin eta lan osagarriak egin beharko balitz, adibidez, interkonexio elektrikoren bat gune batean eguzki planta kokatuko den erakinetik at, lan horiek aparte kontratatuko lirakeke.

Instalazioaren ezaugarriak

- (i) Eranskin honen amaieran eguzki planta fotovoltaikoa jarriko den eraikinen ezaugarriak biltzen dituen fitxa azaltzen da.

Izapide administratiboa

- (i) Behin betiko esleipendunak bere gain hartu beharko du kudeaketa administratiboa, kupoa behin betiko esleipena egiten den unetik aurrera.



CENTRAL HIDROELECTRICA DE RENTERIA

Mantentze prebentiboaren baldintza teknikoak eta maiztasuna

- (i) Mantentze prebentiboa pertsonal tekniko kualifikatuak egingo du, eta horren arduradun bakarra esleipenduna izango da.
- (ii) Mantentze prebentibo plana: zenbait eragiketa egingo dira, esate baterako, ikuskapenak, jardueren egiaztapenak eta abar. Hori guztia instalazio bakoitzean aplikatuz gero, instalazioak ondo funtzionatzeko, zerbitzu egokia emateko, babesteko eta irauteko lagungarria litzateke.

Instalazioen mantentze prebentiboaren barruan, instalazio bakoitzera hiru (3) bisita egitea urtean, urtarrilean, maiatzean eta irailean, aurreikusten da. Bisita horietan honako jarduera hauek egingo dira:

- Babes elektrikoen egiaztapena.
- Moduluen egoeraren egiaztapena: jatorrizko egitasmoarekin bat datorren egiaztatzea eta konexioen egoera aztertzea.
- Alderantzikagailuaren egoeraren egiaztapena: funtzionamendua, seinale-lanparak, alarmak...
- Kable eta terminalen egoeraren egiaztapena.
- Bisita bakoitzean txosten tekniko bana egitea; bertan, besteak beste, instalazioen egoera eta izandako gorabeherak jasoko dira. Horrekin batera, elektrizitatea saltzeko kontagailuan neurtutako ekoizpen metatua ere azalduko da.
- Egindako mantentzeari lotutako eragiketak mantentze liburu batean jasotzea. Horretan, mantentze lanetan arituko diren langileen datuak idatziko dira (izena, titulazioa, enpresaren baimena).
- Eguzki-instalazioen eragiketari jarraipena egitea hileroko, alderantzikagailuei lotuko den monitorizazio sistemaren bitartez..

Instalazioaren mantentze zentroa

- (i) Era berean, instalazioan akats edo matxurarik gertatuz gero, eta haren konponketa edo errebisioa kontratatutako bermearen mantentze zuzentzailean sartuta baldin badago, horretaz arduratzen den enpresak hamabi (12) orduko epean, gehienez ere, joan beharko du instalaziora, akats edo matxuraren berri ematen dioten unetik, eta horrek plantaren funtzionamenduari eragiten badio. Akatsak edo matxurak bete-betean eragiten ez badio plantaren funtzionamenduari, aldiz, berrogeita zortzi (48) orduko epean, gehienez ere, joan beharko da instalaziora.

MANTENTZE ZENTROA
Enpresaren izena:
Helbidea:
Harremanetarako pertsona:
Telefonoa:
Posta elektronikoa: